

Niv. 50

15 Meurzh - 15 Ebrel 1974

« POBL VREIZH »

\*

B. P. 304  
29273 BREST CEDEX

KOUMANANTOU

Boutin : 6 L

Skoazell : adaleg 15 L

K.R.P. 2746-79 ROAZON

0,50

# POBL VREIZH

## PENNAD-STUR

Gant ar foto-mañ dirak, ez eus peadra d'ober ur genaoueg eus an Aotroù Lombard, prezidant ar C.E.L.I.B. Ne oa dañjer ebet, da-larsañ, e vije saotret lenn-vor Brest gant ar mazout, rak pep tra a oa bet graet, emezañ, evit mirout ouzh kement-se da c'hoarvezout. Diouzh a lavare, e oa prest an holl itrikoù modern a vije ezhomm ma c'hoarvezfe ur gwalleur bennak. Respontet he devoa U.D.B. dezhañ, daou vloaz zo, e-barzh ullevrig diwar-benn purerezhig (*raffinette*) Brest, o lavarout e oa dañjeruskenan ober seurt purerezhig, rak, en gwirionez, ne oa ket prest an traoù c'hoazh, pell ac'hane !



Cliche M.F.B.

Daou vloaz goude, d'an 9 a viz c'hwevrer 1974, ez eus en em skuilhet 600 tonenn vazout er mor. Pelec'h oa itrikoù ijinus an Aotroù Lombard neuze, pa'z eo bet ret dastum al loustonise gant palioù ha kelornioù ? Evuruzamant, ez eus bet gallet stoufañ an toull buan a-walc'h. Peadra zo da skrijañ pa soñjer er pezh a vije c'hoarvezet mod-all ? Ar gwir a oa gant U.D.B. 'ta, siwazh !

Ya, met n'eo ket se eo se ! Ken gwazh all a vez gwelet bemdez en hon bro-Vreizh, gant ar fallakred a vez o laerezh mad an holl, o lazhañ an natur, evit gounit arc'hant bras.

Pa oa bet beuzet kêrioù Montroulez, Kemper, hag all, e oa bet gwelet ar Pennoù bras, ken en Paris, ken en Breizh, o tougen kañv, war an ton bras, d'ar paourkeizh Bretoned. Ya, da ! Gant ar vezh ! Piv en deus roet aotre, abaoe bloavezhioù, da zifreuzhañ hon c'hleuzioù (kleuñhoù) ? Ne oa ket genaouek hon tadoù-kozh, memestra, ha m'o deus savet kleuzioù penna-da-benn hon bro, n'eo ket evit o flijadur an hini eo, hogen peogwir e oa ret henn ober ! Dalc'het e veze an dour gante, hag an douar-labour ivez. Glav zo bet er bloaz-mañ, gwir eo, met kement all a oa bet gwelet alies er bloavezhioù tremenet, ha ne oa ket bet beuzet kêrioù a-bezh evit kelo-se !

Pell 'zo emañ ar beizanted hag ar strolladoù politikel, U.D.B. en o zouez, o klemm a-enep ar mod diboell ha diskiant ma vez graet an adlodennañ-douar er vro-mañ.

# HON TADOÙ

NE OANT KET GENAOUEK

**EVIDOMP!**

(Gwelout hon pennad-stur)

## Pennad kaoz gant



**ETIENNE TALLEC**  
sekretour F.D.S.E.A. Karaez

(Gwelout p.4)

Poent bras eo dimp-ni, holl asamblez, tud ar maezioù ha tud ar c'hêrioù, lakaat termen da itrikoù ar re a zo o klask lazhañ hon bro.


Da biv ar vro-mañ, a-benn ar fin ?







# MARCEZ



DIWALLIT! SKLOK! SKLOK!  
ERRU EO BEG-E-DOK!!!

# UX

## 22, LES POULETS!



POENT EO  
MONT AC'HAN  
BUAN!

ARABAT BALE  
WAR AR  
GEOT

**COTCOT**  
COTCOT  
**COTCOT**  
COTCOT  
**COTCOT**  
COTCOT



TAPET INT BET!!  
BRAVAÑ KOG A ZO 'BARZH AR VRO  
A ZO E PEDERNEG, TUDOÙ!!  
**ME AN HINI EO!!**

